



PEKELILING AKADEMIK BILANGAN 4 TAHUN 2021

**PELAKSANAAN LATIHAN INDUSTRI SEMASA PERINTAH
KAWALAN PERGERAKAN SEPANJANG MENDEPANI KRISIS
COVID-19
DI UNIVERISITI TEKNIKAL MALAYSIA MELAKA**

Pejabat Pendaftar
5 JULAI 2021

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM100-1/3/6 (6)

5 Julai 2021

PEKELILING AKADEMIK BIL. 4/2021

PELAKSANAAN LATIHAN INDUSTRI SEMASA PERINTAH KAWALAN PERGERAKAN SEPANJANG MENDEPANI KRISIS COVID-19 DI UNIVERISITI TEKNIKAL MALAYSIA MELAKA

1.0 TUJUAN

Pekeliling Akademik ini bertujuan untuk memaklumkan kepada semua staf dan pelajar mengenai pelaksanaan Latihan Industri (LI) kepada pelajar Universiti Teknikal Malaysia Melaka (UTeM) semasa tempoh Perintah Kawalan Pergerakan (PKP) yang berkuat kuasa sepanjang mendepani krisis COVID-19.

2.0 LATAR BELAKANG

- 2.1 Pihak Universiti telah mengeluarkan Pekeliling Akademik Bilangan 8 / 2020 berkenaan pelaksanaan LI bagi semua pelajar UTeM pada Semester II Sesi 2019/2020 dan Semester Khas Sesi 2019/2020.
- 2.2 Walau bagaimanapun, sehingga kini, seluruh negara masih di bawah PKP (*total lockdown*) dan kebanyakan negeri, khususnya Melaka masih di bawah Fasa Satu PKP menyeluruh dalam Pelan Pemulihan Negara (PPN).
- 2.3 Selaras dengan keputusan kerajaan ini, beberapa garis panduan atau makluman telah dikeluarkan oleh Jabatan Pengajian Tinggi, Institusi Akreditasi berkepentingan dan juga UTeM dalam pelaksanaan Pengajaran dan Pembelajaran di Institut Pengajian Tinggi. Antaranya, melalui *Advisory Note No 2/2021*, MQA telah mengeluarkan panduan bagi pelaksanaan Pengajaran dan Pembelajaran di Institusi Pengajian Tinggi bagi mendepani cabaran pandemik COVID-19 ini. Pihak EAC dan ETAC daripada BEM juga telah mengemas kini Garis Panduan bagi panduan semua institusi melalui *Guidelines No. 005* (bertarikh 5 Jun 2021).

- 2.4 Berdasarkan keadaan semasa pandemik COVID-19, mesyuarat Senat Bilangan 6 Tahun 2021 yang bersidang pada 30 Jun 2021 telah bersetuju meluluskan kaedah pelaksanaan LI sepanjang tempoh PKP ini.

3.0 PELAKSANAAN LATIHAN INDUSTRI SEPANJANG TEMPOH PERINTAH KAWALAN PERGERAKAN

- 3.1 Tempoh PKP ini adalah merujuk kepada semua tempoh perintah kawalan pergerakan yang dikeluarkan oleh Majlis Keselamatan Negara (MKN) seperti Perintah Kawalan Pergerakan Bersyarat (PKPB), Perintah Kawalan Pergerakan Diperketatkan (PKPD), Perintah Kawalan Pergerakan Pemulihan (PKPP) atau apa-apa tempoh kawalan pergerakan yang akan diberikan.
- 3.2 Pelaksanaan LI bagi pelajar UTeM sepanjang tempoh PKP berkuat kuasa adalah tertakluk kepada pematuhan semua Garis Panduan dan SOP yang telah dikeluarkan oleh MKN, Kementerian Pengajian Tinggi (KPT), Kementerian Kesihatan Malaysia (KKM).
- 3.3 Pelaksanaan dan tempoh LI ini juga tertakluk kepada Peraturan Akademik Universiti dan mematuhi keperluan Institusi Akreditasi berkepentingan bagi sesuatu program.
- 3.4 Pelajar amat digalakkan menjalani LI di tempat lokaliti pelajar berada. Ia adalah bertujuan mengurangkan risiko jangkitan dan mengurangkan pergerakan pelajar sepanjang menjalani latihan.
- 3.5 Walau bagaimanapun, pelajar dibenarkan untuk meneruskan LI di sektor industri yang dibenarkan oleh MKN. Sehubungan dengan itu, pelajar dan pihak industri / syarikat perlu sentiasa **mengikut langkah-langkah keselamatan yang digariskan dan mematuhi** Garis Panduan dan SOP yang terkini daripada MKN, KPT dan KKM. Industri / syarikat perlu bertanggungjawab dalam memastikan langkah-langkah keselamatan dan SOP diikuti pelajar sepanjang pelaksanaan LI bagi membendung penularan COVID-19 di tempat latihan.

- 3.6 Semasa menjalani LI, pelajar dibenarkan menjalani LI secara bekerja-dari-rumah (*work-from-home*), sekiranya mendapat arahan rasmi daripada syarikat dan mendapat persetujuan Universiti sepanjang tempoh PKP ini sahaja.
- 3.7 Bagi pelajar Diploma FTMK, Sarjana Muda FKE, FKEKK, FKM dan FKP, sekiranya terdapat kekangan mendapatkan tempat latihan atau terdapat sebab yang munasabah, pelajar ini boleh memohon menjalani LI di akhir tahun pengajian.
- 3.8 Sekiranya pelajar telah diberhentikan oleh industri masing-masing atau menghadapi kesukaran mendapatkan tempat atau kesukaran bergerak dalam tempoh PKP, atau penolakan tawaran oleh pelajar atau risiko wabak terhadap keselamatan pelajar, atau apa-apa perkara munasabah berkenaan COVID-19, pelajar boleh memohon dan dipertimbangkan untuk menjalani LI secara alternatif sekiranya bersesuaian.
- 3.9 Pelaksanaan LI secara alternatif terbahagi kepada dua (2) kaedah iaitu;
- a) Kaedah 1: Pelajar dibenarkan untuk menjalani LI secara kaedah *virtual* atau maya sekiranya mendapat kebenaran sesuatu industri tersebut dan kelulusan Universiti.
 - b) Kaedah 2: Pelajar dibenarkan untuk menjalani LI di dalam Universiti mengikut kesesuaian skop kerja.
 - c) Carta alir kaedah pelaksanaan LI secara alternatif adalah seperti **Lampiran 1**.
- 3.10 Fakulti mestilah memastikan pelaksanaan LI secara alternatif mengikut keperluan program dan memenuhi keperluan hasil pembelajaran kursus LI yang telah ditetapkan oleh Universiti.
- 3.11 Fakulti perlu memastikan semua SOP keselamatan dan kesihatan pelajar dipatuhi sepenuhnya sebelum, semasa atau selepas latihan.

4.0 PELAKSANAAN LATIHAN INDUSTRI SECARA ALTERNATIF DI DALAM UNIVERSITI

4.1 Pelaksanaan LI di dalam Universiti adalah salah satu kaedah pelaksanaan LI secara alternatif. Kaedah pelaksanaan adalah seperti berikut:

- a) Permohonan LI perlulah melalui Pejabat Pendaftar.
- b) Penempatan pelajar adalah seperti berikut:
 - i. Pusat-pusat perkhidmatan atau pentadbiran Universiti.
 - ii. Pejabat Penyelenggaraan atau Pembangunan yang sesuai.
 - iii. Pusat Kecemerlangan atau Penyelidikan.
 - iv. Unit-unit lain yang berkaitan seperti Fakulti, *Teaching Factory*, Syarikat *Spin-Off* atau pun apa-apa unit berkaitan.
- c) Penempatan pelajar ini secara *cross-faculty* (merentas fakulti) juga adalah digalakkan.
- d) Skop latihan yang disediakan mestilah jelas dan memenuhi keperluan hasil pembelajaran kursus LI seperti mana yang dinyatakan dalam program pelajar. Antara skop latihan adalah seperti berikut:
 - i. Pembaikan dan / atau reka bentuk
 - ii. Penyelenggaraan dan / atau baik pulih
 - iii. Pengurusan dan penambahbaikan
 - iv. Projek permasalahan industri
- e) Setiap pelajar mestilah ditugaskan dengan penyeliaan dan penilaian daripada Penyelia Industri (PI) dan Penyelia Fakulti (PF). Pelajar perlu diselia oleh **penyelia yang berkeelayakan yang setaraf atau berpengalaman melebihi 5 tahun dalam bidang berkaitan.**
- f) Bagi program akademik di FTMK dan FPTT, pelaksanaan projek seperti *industry-based project*, *problem-based project*, *topical study* atau projek penyelidikan yang bersesuaian boleh dijalankan.
- g) Fakulti perlu memastikan setiap pelajar yang menjalani kaedah ini didedahkan dengan pengamalan industri melalui seminar / syarahan / demonstrasi atau program seumpama dengan pihak industri mengikut keperluan setiap program. Pelajar perlu mengemaskini

laporan aktiviti pendedahan industri ini sepanjang menjalani LI secara alternatif ini.

- h) Kaedah alternatif ini perlu dipantau sepenuhnya oleh Jawatankuasa Latihan Industri Fakulti dan diluluskan oleh Jawatankuasa Latihan Industri Universiti.

- 4.2 Bagi setiap pelaksanaan LI secara alternatif, setiap program mestilah **menyediakan analisis jurang (*gap analysis*)** pelaksanaan kaedah LI secara alternatif. Ini bagi memastikan hasil pembelajaran kursus LI bagi setiap program tercapai.
- 4.3 Pihak Universiti akan terus memantau perkembangan krisis COVID-19 dan menyalurkan maklumat terkini dari semasa ke semasa.
- 4.4 Walaupun begitu, sebarang perubahan dalam pelaksanaan LI ini masih lagi tertakluk kepada maklumat terkini yang dikeluarkan oleh MKN, KPT, KKM dan Institusi Akreditasi berkepentingan bagi program masing-masing. Sebarang pelaksanaan mestilah mengikut Peraturan Akademik Universiti dan mematuhi keperluan ISO 9001: 2015 yang digariskan oleh Universiti.

5.0 TARIKH KUAT KUASA

Pelaksanaan Latihan Industri semasa tempoh PKP dalam mendepani krisis COVID-19 kepada pelajar Universiti Teknikal Malaysia Melaka (UTeM) ini berkuat kuasa mulai **30 Jun 2021**.

Sekian, terima kasih.

“BERKHIDMAT UNTUK NEGARA”
“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT
Ketua Pegawai Operasi
Universiti Teknikal Malaysia Melaka

Rajah 1: Kaedah Pelaksanaan Latihan Industri secara alternatif

